



Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), člana 6 Zakona o Pravosudnoj komisiji Brčko distrikta BiH (Službeni glasnik Brčko distrikta BiH, brojevi: 19/07, 20/07, 2/08, 4/21 i 6/21), Skupština Brčko distrikta BiH na 36. redovnoj sjednici održanoj 18. januara 2023. godine, donosi

ODLUKU

O RASPISIVANJU JAVNOG POZIVA ZA IZBOR I IMENOVANJE DVA ČLANA PRAVOSUDNE KOMISIJE BRČKO DISTRIKTA BiH IZ REDA GRAĐANA BRČKO DISTRIKTA BiH

Član 1

Ovom odlukom raspisuje se Javni poziv za izbor i imenovanje dva člana Pravosudne komisije Brčko distrikta BiH iz reda građana Brčko distrikta BiH.

Član 2

- (1) Javni poziv za izbor i imenovanje dva člana Pravosudne komisije Brčko distrikta BiH iz reda građana Brčko distrikta BiH objavit će se na internetskoj stranici Skupštine Brčko distrikta BiH (www.skupstinabd.ba) i oglasnoj tabli Skupštine Brčko distrikta BiH i bit će otvoren petnaest (15) dana od dana objavljivanja.
- (2) Javni poziv iz stava 1 ovog člana čini sastavni dio ove odluke.

Član 3

Zadužuje se Komisija za izbor i imenovanje i mandatno-imunitetska komisija Skupštine Brčko distrikta BiH da po isteku roka za prijavljivanje kandidata, izvrši odabir i intervjuisanje prijavljenih kandidata i Skupštini Brčko distrikta BiH da preporuku za imenovanje najuspješnijih kandidata na prvoj idućoj sjednici Skupštine.

Član 4

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-148/23

Brčko, 18. 1. 2023. godine

PREDSJEDNIK
SKUPŠTINE BRČKO DISTRIKTA BiH
Mr. sc. Siniša Milić

Dostavljeno:

1. Predsjedniku
2. Dopredsjedniku
3. Gradonačelniku
4. Komisiji za izbor i imenovanje i mandatno-imunitetskoj komisiji Skupštine Brčko distrikta BiH
5. Pravosudnoj komisiji
6. Stručnoj službi Skupštine
7. Sektoru za opće i zajedničke poslove
8. Arhivi